



SLUŽBENE NOVINE

KANTONA SARAJEVO

Godina XXVI - Broj 33

Četvrtak, 19. 8. 2021. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17) i člana 27. stav (2) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), Skupština Kantona Sarajevo, na 40. Radnoj sjednici održanoj dana 09.08.2021 godine, donijela je

ZAKON

O IZMJENI ZAKONA O NADLEŽNOSTIMA ORGANA VLASTI KANTONA SARAJEVO U OBLASTI ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA

Član 1.

(Izmjena člana 8.)

U Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Kantona Sarajevo", br. 39/08, 19/11 i 45/15) u članu 8. riječi: "Ministar komunalne privrede i infrastrukture", zamjenjuju se riječima: "Ministar komunalne privrede, infrastrukture, prostornog uređenja, građenja i zaštite okoliša".

Član 2.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30589/21
09. augusta 2021. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 12. tačka b) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96 - Ispravka, 3/96 - Ispravka, 16/97, 14/00, 14/01, 28/04, 6/13 i 31/17), Skupština Kantona Sarajevo, na 40. Radnoj sjednici održanoj dana 09.08.2021. godine, donijela je

ZAKON

O IZMJENAMA I DOPUNAMA ZAKONA O PREDŠKOLSKOM ODGOJU I OBRAZOVANJU U KANTONU SARAJEVO

Član 1.

(Izmjene člana 14.)

- (1) U Zakonu o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09) u članu 14. tačka a) alineja 1) mijenja se i glasi:
"1) formiranje i razvijanje osnovnih higijenskih navika i prevencija zdravstvene zaštite;"
- (2) Tačka h) mijenja se i glasi:
"h) obogaćivanje dječijeg iskustva u sigurnom okruženju i sticanje elementarnih znanja o životu i radu ljudi,"

Član 2.

(Izmjena člana 22.)

U članu 22. stav (1) riječi: "obrazovanja i nauke", zamjenjuju se riječima: "za odgoj i obrazovanje".

Član 3.

(Dopuna člana 26.)

U članu 26. iza stava (2) dodaje se novi stav (3) koji glasi:
"(3) Svi programi iz stava (1) ovog člana koji se realiziraju za djecu uzrasta od četiri do šest godina mogu se realizirati i po kombinovanom ili online modelu, u izuzetnim okolnostima i na osnovu odluke ministra."

Član 4.

(Dopuna člana 27.)

U članu 27. iza stava (3) dodaje se novi stav (4) koji glasi:
"(4) U izuzetnim okolnostima cjeloviti razvojni programi iz stava (2) ovog člana se, u skladu sa mogućnostima za djecu u godini pred polazak u školu, mogu realizovati i u vrijeme pohađanja predškolske ustanove po kombinovanom i online modelu."

Član 5.

(Dopuna člana 35.)

U članu 35. dodaje se novi stav (2) koji glasi:
"(2) Zaposlenici iz stava (1) ovog člana obavezni su odgajatelju pružiti stručnu pomoć, na njegov zahtjev."

Član 6.

(Dopuna člana 37.)

U članu 37. u stavu (3) iza riječi: "ustanovi", briše se tačka i dodaje se :", sve dok traju navedene okolnosti."

Član 7.

(Izmjena člana 40.)

U članu 40. stav (4) mijenja se i glasi:

"(4) Stručni nadzor nad radom predškolske ustanove Ministarstvo vrši putem Instituta za preduniverzitet-sko obrazovanje, a izvještaj o izvršenom nadzoru dostavlja Ministarstvu, u roku od 15 dana od dana izvršenog nadzora."

Član 8.

(Izmjena člana 41.)

U članu 41. u st. (3) i (4) briše se riječ: ",Zavodu".

Član 9.

(Dopuna člana 58.)

- (1) U članu 58. ispred tačke a) dodaje se nova tačka a) koja glasi:
"a) djecu kojoj je, u toku pedagoške godine, preminuo jedan ili oba roditelja;"
- (2) Dosadašnje tač. a), b), c), d), e), f), g) i h) postaju tač. b), c), d), e), f), g), h) i i).

Član 10.

(Dopuna člana 59.)

- (1) U članu 59. stav (1) iza tačke a) dodaje se nova tačka b) koja glasi:
"b) prednost pri utvrđivanju postojanja zarazne bolesti i zaštite od nje;"
- (2) Dosadašnje tač. b) i c) postaju tač. c) i d).

Član 11.

(Dopuna člana 67.)

U članu 67. iza stava (2) dodaje se stav (3), koji glasi:

- (3) Ministar će u roku od 60 dana od dana stupanja na snagu ovog zakona donijeti metodologiju rada predškolskih ustanova po kombinovanom i online modelu."

Član 12.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30588/21
09. augusta 2021. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 12. tačka b) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96-Ispravka, 3/96 - Ispravka, 16/97, 14/00, 14/01, 28/04, 6/13 i 31/17), Skupština Kantona Sarajevo, na 40. Radnoj sjednici održanoj dana 09.08.2021. godine, donijela je

ZAKON**O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU**

Član 1.

(Izmjena člana 8.)

U Zakonu o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19 i 34/20), u članu 8. u st. (4) i (5) riječi: "obrazovanje, nauku i mlade", zamjenjuju se riječima: "odgoj i obrazovanje".

Član 2.

(Izmjene i dopune člana 24.)

- (1) U članu 24. stav (5) briše se riječi: "na prijedlog Prosvjetno-pedagoškog zavoda".

- (2) U stavu (8) iza riječi: "mature", dodaju se riječi: "na osnovu odluke ministra, a".

- (3) Stav (14) mijenja se i glasi:

"(14) Škola je obavezna da u toku školske godine, u obimu od najmanje 90% realizira nastavni plan i program".

Član 3.

(Izmjena člana 27.)

Član 27. mijenja se i glasi:

"Član 27.

(Godišnji program rada škole)

- (1) Rad u školi u toku školske godine realizira se na osnovu godišnjeg programa rada škole (u daljem tekstu: godišnji program) u skladu sa razvojnim planom škole koji se donosi u skladu sa metodologijom izrade godišnjeg programa rada škole.
- (2) Godišnji program sadrži obavezne i druge oblike rada, kao i izvještaj o realiziranju godišnjeg programa za prethodnu školsku godinu.
- (3) Nastavničko vijeće utvrđuje prijedlog godišnjeg programa na osnovu nacrtu kojeg priprema direktor, a usvaja ga školski odbor.
- (4) Ako zbog izuzetnih okolnosti dođe do izmjene 40-satne radne sedmice iz člana 85. stav (1) ovog zakona, nije potrebno provoditi proceduru donošenja izmjena i dopuna godišnjeg programa rada škole.
- (5) Škola, nakon usvajanja, dostavlja godišnji program rada u elektronskoj verziji, najkasnije do 30. septembra za tekuću školsku godinu, i to po jedan primjerak osnivaču, odnosno Ministarstvu i nadležnom organu općine."

Član 4.

(Izmjene i dopuna člana 33.)

Član 33. mijenja se i glasi:

"Član 33.

(Početak i trajanje školske godine)

- (1) Školska godina počinje 1. septembra, a završava se 31. augusta naredne godine.
- (2) Nastavna godina počinje prvog radnog dana u septembru tekuće, a završava se najkasnije do 30. juna naredne godine, osim ako ministar drugačije ne propiše školskim kalendarom.
- (3) Školska godina počinje i završava intoniranjem državne himne i podizanjem zastave države Bosne i Hercegovine.
- (4) Nastava u školi izvodi se po polugodištima i traje najmanje 35, a najviše 37 radnih sedmica, s tim da se nastavni plan i program realizira u okviru najmanje 33, a najviše 35 radnih sedmica.
- (5) Nastava u prvom i završnom razredu škole traje, za jednu sedmicu kraće, u odnosu na nastavu iz stava (4) ovog člana.
- (6) Nastava u prvom polugodištu počinje prvog radnog dana u septembru i završava se po pravilu 31. decembra tekuće kalendarske godine.
- (7) Zimski odmor za učenike traje četiri sedmice i koristi se po pravilu nakon završetka prvog polugodišta.
- (8) Nastava u drugom polugodištu počinje poslije zimskog odmora i završava se nakon ispunjenja uvjeta iz st. (4) i (5) ovog člana.
- (9) Odgojno-obrazovni rad izuzetno može trajati i kraće od vremena propisanog st. (4) i (5) ovog člana i može se prekidati u toku polugodišta, odnosno školske godine, u slučaju proglašenja prirodne katastrofe, elementarne nepogode, stanja neposredne ugroženosti i ratnog stanja, o čemu na prijedlog ministra odluku donosi Vlada, kao i odluku o pomjeranju početka nastave u prvom i drugom